

密城朴氏世牒序

夫人之孝也繼述爲大先祖有嘉言善行而子孫不能知之知而不能著而傳之其不仁不明極矣竊惟我朴自羅璿源履麗拖我朝道德淵源忠勲節孝赫世輩出而糾正公乃中祖也斤佛崇學殉國立節列聖朝盛典特重有典儀判事公以漢朝開國原勲重盟丹書炳在王庫至子副提學公大義醇辭蹈襲箕裘之風焉若恭孝公之協贊邦國訥齋松堂江叟駱村灌園五先生之咳唾遺韻清齋公之奮忠大節恭簡公之文章忠靖公之剛毅義谷公之名碩挹白堂之雅標炳天日月耀人耳目宜可爲範俗陶世之休而吾世牒之所

以彙集而行于世也夫貞敬夫人惟我密貫同所蒙之
祖母也墓室歲淹雨漏棟宇幾至顛覆齋恨已久族祖
準淑準宣氏以重修事詢謀僉宗曰此祭室無孫則已
有孫則不可不重剏而嗟今滄桑百變慾浪滔天難可
以若干義聚禮助而亟圖巨創然則吾朴世牒賡爲重
刊廣布于遐邇諸族而賴受義捐則此重役之圖成且
實不難耿鎮炳善氏應聲曰爲其子孫者先事必成乃
已自擔鉞梓之役從知衆謀僉同理亦附生而此非
先靈之默佑於冥冥之中乎乃付耿鎮氏任以賢勞之
役而仍舊續成助以爲尊祖愛族之資焉噫世牒再行
于族黨親親之道重親親之道重先墓祠宇永世維持

爲我后仍者乃聚於斯歌於斯哭於斯不覺孝悌之心
油然而感發矢顙余不肖忝在宗嗣不能良工獨苦之役
實有感於報本之道故遂尾殿一語於編首云爾

戊辰蔓夏上浣日糾正公二十四世孫商圭謹序

舊序

此書以世牒云者蓋世以明系牒以溯源之意也茲敢
有辭焉惟我密質之朴自大君分封之後繼有十有二
公者出爲各派之中祖而高麗糾正公卽居其一吾家
之所祖也糾正公之弁佛興學爲主殉國之節既有列
聖之崇典世承名聞斯極赫矣而逮我太祖朝有典
儀判事公以開國原勛王府藏盟丹書炳然至子副

提學公遺訓醇醇焉自提學公而下餘慶益章子孫之
道德文章忠孝節義萃乎一門而為世宗仰尚乎無以
議為矣恭孝公之協贊邦國訥齋松堂江叟駱村灌園
五先生之道學節義光明乎難以丹青可像清齋公
之忠節恭簡公之文章忠靖公之忠義義谷公之碩德
挹白堂之清議曜人耳目昭載國乘復何以文墨容議
哉於戲名碩聯美并出於提學公之後矣東溪梅軒二
公亦以提學公弟叅判公之裔父子殉國忠烈并炳焉
則祖先積善餘庥此可見矣至於五賢之遺文諸忠之
實蹟則直可垂裕於子姓之傳襲廣布乎士林之誦讀
而各以為家藏之寶不欲人知然以一源之派分流而

止是所爲懼幸茲族姪善教甫深有憾於此蒐葺若干
詩文狀跋及誌銘合刊並義之意經紀乎數十年今日
而告成則四卷一帙之編足爲吾門之大慶也觀此書
則祖先可慕宗誼益敦矣是謀之成實有關於興感者
所以世牒之名盡矣顧不肖昧於識見拙於文字然其
於慕先睦宗之義不能自己敢叙如右云

歲己亥孟夏糾正公二十三世孫炳吉謹序